

Gielddaráđđehus

Áigi 07.05.2026 dmu 13:00 - 16:25

Báiki Hybridačoahkkin, gielddadálu váldostivrasále dahje teams-heivehus

Giedahallon áššit

§	Bajilčála	Siidu
§ 59	Čoahkkima lágalašvuohta ja mearridanváldi	3
§ 60	Beavdegirjji dárkkisteaddjiid välljen	3
§ 61	Čoahkkima bargoortnega dohkkeheapmi	5
§ 62	Dili birra oanehaččat	6
§ 63	Ruhtadili birra oanehaččat	7
§ 64	Gávpenannejeaddji giddodatluohpadanalmmuhusat ja gieldda ovdaoastinvuoigatvuođa geavaheapmi	8
§ 65	Siidodoaibmalohpeohcamuš Veli-Matti Ruotsalainen	9
§ 66	Gielddahoavdda siidodoaibmalohpeohcamuš	10
§ 67	Gulahallankoordináhtora doaimma joatkin mearreáigásažžan	12
§ 68	Čálalaš váruhus virgehálldašeaddjái	13
§ 69	Lohkanmáhttu Ohcejohkii	15
§ 70	Ássama ovddidanguovlu Gieddemiellis	17
§ 71	Doaibmaorgánaid mearrádusat	21
§ 72	Áššit diehtun	22
§ 73	Heađuštanalmmuhusat	23
§ 74	Mearrevidodaga vuovdin, Antti Peltoniemi	24
§ 75	Gáregasnjárgga boares dearvvasvuođadálu vuovdin	25

Oasseváldit

	Namma	Doaibma	Lassedieđut
Mielde	Tieva-Niittyvuopio Vuokko	ságadoalli	
	Moilanen Mateusz	várreságadoalli	
	Hekkanen Eemeli	lahttu	
	Länsman Vesa	lahttu	
	Länsman Lávrá	lahttu	
	Länsman Nilla-Pekka	várrelahttu	
	Aikio Mika	váldostivrra ságadoalli	
	Guttorm Väinö	váldostivrra I	
		várreságadoalli	
	Nordberg Aulis	váldostivrra II	
		várreságadoalli	
Eret	Tapiola Sari		
	Rasmussen Riikka		
	Laura Niittyvuopio-Valle		
	Konttinen Pirjo		
	Lukkari Sammol		
	Guttorm Urho		
	Heikurainen Laura		
	Kontio Oskari		
Eará	Kontio Päivi	gielddahoavda	
	Länsman Marja	beavdegirjedoalli	
	Orti-Berg Riitta	tulka	

Vuolláičállosat

	Vuokko Tieva-Niittyvuopio	Marja Länsman
	ságadoalli	beavdegirjedoalli
Gieđahallon áššit	59 - 75	

Beavdegirjji dárkkisteapmi Ohcejohka 7.5.2026

Nilla-Pekka Länsman	Mateusz Moilanen
beavdegirjedárkkisteaddji	beavdegirjedárkkisteaddji

Beavdegirjji dollojuvvo albmosis

Gielddadállu, guovddášdoaimmahat 13.5.2026

Minna Lukkari
Almmuhantávvala dikšu

Gielddaráđđehus

§ 59

07.05.2026

Čoahkkima lágalašvuohta ja mearridanváldi

Gr 07.05.2026 § 59

Mearrádusevttohus

Gávnnavuvvo, ahte čoahkin lea lágalaččat čoahkkái bovdejuvvon ja mearridanválddálaš.

Mearrádus

Gávnnavuvvui, ahte čoahkin lea lágalaččat čoahkkái bovdejuvvon ja mearridanválddálaš.

Gielddaráđđehus § 60

07.05.2026

Beavdegirjji dárkkisteaddjiid välljen

Gr 07.05.2026 § 60

Mearrádusevttohus Válljet čoahkkimii guokte beavdegirjedárkkisteaddji.

Mearrádus Beavdegirjedárkkisteaddjin välljejuvvuiga Nilla-Pekka Länsman ja Mateusz Moilanen.

Gielddaráđdehus

§ 61

07.05.2026

Čoahkkima bargoortnega dohkkeheapmi

Gr 07.05.2026 § 61

Mearrádusevttohus

Gielddaráđdehus dohkkeha áššiid gieđahallanortnega čoahkkima áššelisttu mielde.

Mearrádus

Ságajođiheaddji evttohi, ahte lassiaššin gieđahallojit Heađušusalmmuhusat, Mearreviidodaga vuovdin Antti Peltoniemi ja Gáregasnjárgga boares dearvašvuodeálu vuovdin.

Gieđahallanortnet dohkkehuvvui áššelisttu mielde ja dasa lasihuvvojedje áššit ságadoalli evttohusa mielde.

Gielddaráđdehus

§ 62

07.05.2026

Dili birra oanehaččat

Gr 07.05.2026 § 62

Gielddahoavda muitala áigeguovdilis áššiid birra oanehaččat.

Mearrádusevttohus

Merkejuvvo diehtun.

Mearrádus

Gielddahoavda ovdanbuvttii áigeguovdilis áššiid dilleraportta čuovvovaččat:

-ovddidanhoavda Veli-Matti Ruotsalainen lea álggahan virggi 4.5.2026

-storraveahkkehárjehallan 12.5.2026

-vuojadihanhálla rahpan 14.5.2026

-vuojadihanhálla basadan- ja gárvodanlanjaid saneren

-astoáiggebáikki vuvdojuvvon oasi geavahandoarjagat

Merkejuvvui diehtun.

Gielddaráđđehus

§ 63

07.05.2026

Ruhtadili birra oanehaččat

Gr 07.05.2026 § 63

Mearrádusevttohus Gullat oanehaččat ruhtadili birra.

Mearrádus Gielddahoavda ovdanbuvttii ruhtadili oanehaččat.
Merkejuvvui diehtun.

Gielddaráđđehus

§ 64

07.05.2026

Gávpenannejeaddji giddodatluohpadanalmmuhusat ja gieldda ovdaoastinvuoigatvuoda geavaheapmi

Gr 07.05.2026 § 64

Gildii leat bohtán 2 st gávpenannejeaddji giddodatluohpadanalmmuhusa, listu giddodatluohpadanalmmuhusain lea siidomateriálan. Giddodatluohpadanalmmuhusat leat oaidninláhkai čoahkkimis.

Ovdaoastinlága mielde ovdaoastinvuoigatvuoda geavahettiin mearrádussii ožžot oasti ja vuovdi ohcat nuppástusa ja váidit hálddahasriektái.

Gieldda mearrádussii leat geavatkeahtá ovdaoastinvuoigatvuoda ii oaččo ohcat nuppástusa váidimiin.

Mearrádusevttohus

Gielddaráđđehus merke diehtun gávpenannejeaddjiid giddodatluohpadanalmmuhusaid ja mearrida, ahte gielda ii geavat ovdaoastinvuoigatvuoda báikkiide, mat gullet gávpái.

Mearrádus

Evttohus dohkkehuvvui.

Giieldaráđđehus

§ 65

07.05.2026

Siidodoaibmalohpeohcamuš Veli-Matti Ruotsalainen

Gr 07.05.2026 § 65
44/01.01.03.00/2026

Ovddidanhoavda Veli-Matti Ruotsalainen ohcá, siidodoaibmalohpeohcamuša mielde (siidomateriálan) siidodoaibmalobi fitnodatdoaimma várás.

Ohcamuša mielde siidodoaibmasaš bargu bargojuvvo válđoáššis eahkes ja vahkkoloahpaid, iige virgeáigge. Siidodoaibma ii gáibit bargoáiggi geavaheami iige riskere virgebargguid áššáigulavaš dikšuma.

Ohcamušas ákkastallojuvvo, ahte fitnodatdoaibma doarju ja bajásdoallá ámmátlaš máhtu erenoamážit eallinfámu, fitnodatdoaimma, fitnodatovddideami ja sierra ruhtadanvejolašvuodaid dovdamá dáfus, mii lea ovddidanhoavdda bargguid ollisvuodá dáfus relevánta.

Áššemeannudeaddji

Giieldahoavda Kontio Päivi

Mearrádusevttohus

Giieldaráđđehus mieđiha ovddidanhoavda Veli-Matti Ruotsalaisii siidodoaibmalobi fitnodatdoaimma várás.

Mearrádus

Evttohus dohkkehuvvui.

Gielddaráđđehus

§ 66

07.05.2026

Gielddahoavdda siidodoaibmalohpeohcamuš

Gr 07.05.2026 § 66
45/01.01.03.00/2026

Gielddahoavda ohcá siidodoaibmalobi buohccedivššárbarggu bargamii Norggas iežas árvvoštallama vuodul. Vejolaš bargovuorut biddjojit nu ahte dat eai gáibit virgeáiggi geavaheami bargui (luopmoáigi, árgabassebeaivvit jna.)

Gielddahoavdda jođihansoahpamuša 4.3. soahpamuša mielde gielddahoavddas lea vuoigatvuohta váldit vuostá gieldda dáfus ávkkálaš ja su ámmátdáiddu ovddideaddji luohttámušdoaimmaid dahje dábálaš servodatlaš ovdáneami ovddideaddji bargguid, mat eai hehte virggi dikšuma.

Deivvolaš buohccedivššára bargu Norggas ii hehte gielddahoavdda barggu dikšuma dahje vaháguhte bargoaddi. Baicce dat doarju gielddahoavdda barggus veadjima, dárogiela dáiddu doalaheami ja maddái buriid ránnjágaskavuođaid bajásdoallama sierra doaibmiid gaskkas..

Áššemeannudeaddji Gielddaráđđehusa ságadoalli

Gielddaráđđehusa ságadoalli mearrádusevttohus

Gielddaráđđehus mieđiha gielddahoavda Päivi Kontioi siidodoaibmalobi.

Mearrádus Gielddahoavda Päivi Kontio guđii čoahkkima ášši gieđahallama áigái.

Eemeli Hekkanen evttohii, ahte gielddaráđđehus ii mieđit gielddahovdii siidodoaibmalobi.

Ákkastallamat:

Gielddaráđđehusas eai leat leamaš geavahas doarvái dieđut ja konkrehtalaš dieđut siidodoaibma viidodaga, bargoáiggiid ja dan geavada váikkuhusaid birra, mo siidodoaibma váikkuha gielddahoavdda virgebargguid dikšumii.

Evttohusas gávnnavuo, ahte siidodoaibma lea deivvolaš iige hehte virggi dikšuma, muhto dáid loahppajurdagiid doarjjan ii leat ovdanbukton dárbašii buorre čilgehus ovdamearka dihte bargovuoruid mearis, áigetávvaliin dahje vejolaš idjabarggus.

Gielddahoavdda bargu vuodđuduvvá ollesáigái ja gáibida geavadis jámma gearggusvuoda dikšut gieldda áššiid. Dan dihte siidodoaimma váikkuhusaid árvvoštallan veadjima, máhccama ja olahahhtivuoda dáfus lea erenoamáš dehalaš.

Gielddahoavdda bargu lea gieldda eanemus čalbmáičuohcci

Gielddaráđđehus

§ 66

07.05.2026

virgehálddašeaddjidoaibma ja gáibida nana čatnaseami gieldda jodiheapmái sihke jámma olahttivuođa. Gielddaráđđehusa geahččanguovllus lea maid fuopmášan veara gieldda doaimma ja jodiheami jáhkehttivuohta ja maid gieldda ássiid luohttámuš gielddahoavdda doaimma dikšumii.

Dasa lassin friddjaágge ja luomuid ulbmilin galgá vuosttažettiin leat máhccan gielddahoavdda gáibideaddji virgebarggus. Ášši ektui ovdanbohtán veadjimii laktáseaddji fuomášumit deattuhit dárbbu árvvoštallat siidodoaimma váikkuhusaid erenoamáš fuolalaččat.

Dasa lassin gielddaráđđehusa dihtui lea bohtán, ahte siidodoaibmabargu lea doaimmahuvvon ovdal siidodoaibmalobi gieđahallama. Dát ollisvuohta ii leat gieđahallojuvvon gielddaráđđehusas ovdal go lohpi lea árvvoštallon.

Ovdalis máinnašuvvon ákkaid vuodul siidodoaibmalobi mieđiheapmi ii leat ákkastallon.

Mateusz Moilanen guottihii Eemeli Hekkasena evttohusa.

Go čeahkkimis lei dahkkojuvvon gielddaráđđehusa ságadoalli vuoddoevttohusas spiehkaseaddji guottihuvvon evttohus, ságadoalli evttohii, ahte čađahuvvo nammačuorvunjienastaeapmi, mas JUO lei gielddaráđđehusa ságadoalli evttohus ja II Eemeli Hekkanena guottihuvvon evttohus. Jienastusortnet dohkkehuvvui. Jienat addojedje oktiibuot 6 st, main JAA jienat 4 st (Vuokko Tieva-Niittyvuopio, Vesa Länsman, Lávra Länsman ja Nilla-Pekka Länsman) ja EI jienat 2 st (Mateusz Moilanen, Eemeli Hekkanen). Jienasteami vuodul gielddaráđđehus mieđihii gielddahovdii siidodoiabmalobi.

Mateusz Moilanen guđii mearrádusas sierraoavila (čuovus).

Gielddaráđdehus

§ 67

07.05.2026

Gulahallankordináhtora doaimma joatkin mearreáigásažžanGr 07.05.2026 § 67
43/01.01.01.00/2026

Ohcejoga gildii lea vuodđuduvvon gulahallankordináhtora doaimma. Doaimma lea dikšon 1.2.2024 rájes mearreáigásaš gulahallankordináhtor Suvi Spoof. Gulahallankordináhtora doaimma juohkása dál golmma doaimmasuorgái: ovddidan- ja birasdoaimma, čuvgehusdoaimma ja guovddášhálddahuš. Hálddahušlaš čat gulahallankordináhtor gullá gieldda organisašuvdnakártta mielde guovddášhálddahuš vuollásažžan.

Gieldda ekonomalaš dili ja doaimmaid ođđasit organiserema geahččanguovllus lea jierpmálaš joatkit gulahallankordináhtora doaimma mearreáigásažžan 1.7.2026-30.6.2028, man áigge sáhtta dárkileappot árvoštallat doaimma dárbbu ja barggu juohkáseami hálddahuš sierra surggiide.

Áššemeannudeaddji

Gielddahoavda Kontio Päivi

Mearrádusevttohus

Gielddaráđdehus mearrida joatkit gulahallankordináhtora doaimma mearreáigásažžan 1.7.2026-30.6.2028 ja doaimmas joatká Suvi Spoof guhte lea dan dikšonge ja lea dasa dohkálaš

Mearráduš

Evttohus dohkkehuvvui.

Gielddaráđđehus
Gielddaráđđehus

§ 33
§ 68

24.02.2026
07.05.2026

Čálalaš váruhus virgehálddašeaddjái

Gr 24.02.2026 § 33

Ohcejoga gieldda lea bargoaddin ožžon Ohcejohnjálmmi skuvlla bargiin almmuhusaid, mat gusket skuvlla rektorin bargi virgehálddašeaddji eahpeáššálaš láhttema ja guovddáš virgebargguid ja ovddasvástádusaid healbademiid. Suorggi ámmátsearvi lea doaimmahan Bargoaddái čállosa dán birra.

Bargodorvvolašvuođalága 28 §:s ásahuvvo, ahte jos barggus bohtá ovdan bargái čuohcci su dearvvašvuhtii hehttehusa dahje váralašvuođa dagahahtti headušteapmi dahje eará eahpeáššálaš meannudeami, bargoaddi galgá álgit doaimmaide dan loahpaheapmin resurssaiguin mat leat geavahusas, go lea ožžon dieđu áššis.

Ášši lea gieđahallon iešguđet oassebeliid gullamiin ja áššeosolaččaide lea addojuvvon vejolašvuohta dievasmahttit ja dárkkálmahttit dáhpáhusaid.

Siidomateriála:

-Bovdehus gullandilálašvuhtii mildosiiguin (suollemassan oaivvilduvvon, láhka eiseválddi doaimma almmolašvuođas 621/1999 24 § 1 mom. 25 k., 30 k.)

-Beavdegirji gullandilálašvuođas mildosiiguin (suollemassan oaivvilduvvon, láhka eiseválddi doaimma almmolašvuođas 621/1999 24 § 1 mom. 25 k., 30 k.)

-Virgehálddašeaddji čálalaš lassegullama vástádusat (suollemassan oaivvilduvvon, láhka eiseválddi doaimma almmolašvuođas 621/1999 24 § 1 mom. 25 k., 30 k.)

Spesifiserejuvvon ákkastallamat (suollemassan oaivvilduvvon, láhka eiseválddi doaimma almmolašvuođas 621/1999 24 § 1 mom. 25 k., 30 k.)

Áššemeannudeaddji

Gielddahoavda Kontio Päivi

Mearrádusevttohus

Gielddaráđđehus mearrida, ahte Bargoaddi addá Virgehálddašeaddjái čálalaš váruhusa eahpeáššálaš láhttema ja guovddáš virgebargguid ja ovddasvástádusaid healbademiid geažil.

Gielddaráđđehus mearrida, ahte Bargoaddi addá dasa lassin Virgehálddašeaddjái eará čálalaš rávvagiid.

Dát mearrádus addo diehtun Virgehálddašeaddjái.

Gielddaráđđehus
Gielddaráđđehus

§ 33
§ 68

24.02.2026
07.05.2026

Mearrádus

Riikka Rasmussen almmuhii iežas leat easttalaš gieđahallat ášši ja son vulggii čoahkkimis eret ášši gieđahallama áigái.

Evttohus dohkkehuvvui.

Gr 07.05.2026 § 68
16/01.04.02.02/2026

Gielddaráđđehus lea 31.3.2026 § 53 mearridan ahte ášši objektiivvalaš gieđahallama sihkkarastimin gielddaráđđehus mearrida, ahte Ohcejoga gielddaráđđehusa 24.2.2026 mearrádus § 33 gieđahallo odđasit. Ášši gieđahallo odđasit nu ahte gielddahoavda Päivi Kontio ii searvva áššemeannudeapmái dahje eará mearrádusdahkamii, vai sáhttit sihkkarastit bealátkeahkes gieđahallama.

Áššemeannudeaddji Gielddaráđđehusa ságadoalli

Gielddaráđđehusa ságadoalli mearrádusevttohus

Gielddaráđđehus mearrida, ahte Bargoaddi addá Virgehálddašeaddjái čálalaš váruhusa eahpeáššálaš láhttema ja guovddáš virgebargguid ja ovddasvástádusaid healbademiid geažil.

Gielddaráđđehus mearrida, ahte Bargoaddi addá dasa lassin Virgehálddašeaddjái eará čálalaš rávvagiid.

Dát mearrádus addo diehtun Virgehálddašeaddjái.

Mearrádus

Gielddahoavda Päivi Kontio guđii čoahkkima ášši gieđahallama áigái.

Evttohus dohkkehuvvui.

Čuvgehuslávdegoddi	§ 28	15.04.2026
Gielddaráđđehus	§ 69	07.05.2026

Lohkanmáhttu Ohcejohkii

Čuvglđg 15.04.2026 § 28

Válmmaštalli

Astoáigekoordináhtor Kaisa Tapiola- Länsman

Girjerádjodoaibma lea ožžon Lohpe- ja bearráigeahččodoaimmahagas stáhtadoarjaga lohkanmáhttu projeavtta ollašuttimii 25 000 euro. Projeavtta vuodđun lea Álbmotlaš lohkanmáhttostrategiija (Kansallinen lukutaitostrategia) 2030 lohkanmáhttostrategiija višuvdna – Suopma máilmmi eanemus mánggagielat riika 2030. Suomas mihttomearrin lea servodat, gos lohkanmáhtu mearkkašupmi dovddastuvvo viidát buot surggiin ja juohkehačča doarjut ja nannet iežas lohkanmáhtus čađa olles eallima.

Veahkkeruhta gokčá projeavtta goluin eanemustá 80 % ja gieldda iežasvástidanoassi galgá leat unnimustá 20 %, nappo 6250 euro. Projeavtta golloárvvoštallan lea 31 250 euro, gieldda iežasvástidanoassi lea 6250 euro.

	Jahki 2027	Jahki 2026
Boađut	12 500 euro	12 500 euro
Golut	15 625 euro	15 625 euro
Netto	3 125 euro	3 125 euro

Mearrádusevttohus

Čuvgehuslávdegoddi evttoha gielddaráđđehussii ja ain váldostivrii:
 1. lassemearruhta juolluduvvo lohkanmáhttoprojektii válmmaštallama mielde jahkái 2026
 2. projektii addojuvvo álggahanlohpi ja projektii vuodđuduvvo gollosadji,
 3. váldostivrra dohkkeha, ahte projektii juolluduvvo lassemearruhta jahkái 2026 golut 15625 euro, boađut 12500 euro, netto 3125 euro,
 4. jagi 2027 bušeahta ráhkadeamis projekta válđo fuopmášupmái.

Mearrádus

Mearrádusevttohusa mielde

Gr 07.05.2026 § 69
 37/00.01.05/2026

Áššemeannudeaddji

Gielddahoavda Kontio Päivi

Mearrádusevttohus

Gielddaráđđehus
 1. juolluda projektii álggahanlobi ja projektii vuodđuduvvo gollosadji ,

Čuvgehuslávdegoddi
Gielldaráđđehus

§ 28
§ 69

15.04.2026
07.05.2026

2. evttoha váldostivrii, ahte projektii juolluduvvo lassemearruhta jahkái 2026 manut 15 625 euro, boadut 12 500 euro, netto 3 125 euro,

3. gávnnaha ahte, jagi 2027 bušeahta ráhkadeamis projeakta váldo fuopmášupmái.

Mearrádus

Evttohus dohkkehuvvui.

Eallinfápmo- ja teknikkalaš lávdegoddi	§ 62	24.04.2025
Gielddaráđdehus	§ 83	05.05.2025
Gielddaráđdehus	§ 17	28.01.2026
Ovddidan- ja biraslávdegoddi	§ 32	23.04.2026
Gielddaráđdehus	§ 70	07.05.2026

Ássama ovddidanguovlu Gieddemiellis

ealteknlg 24.04.2025 § 62

Válmmaštalli

Eallinfápmohoavda Tanja Lepistö

Ođđa ássanviesut leat huksejuvvon Ohcejogas manjimus badjelaš vihtta jagi hui unnán. Kiinteistö Oy Ringinvatros lea alla geavahanmearri dan oamastan viesuin, ja fitnodatsearvvis ii leat makkárge plána hukset ođđa viesuid lagamus boahteáiggis. Gieldda viesut lea oppalaččat boares viesut ja viesut leat unnán.

Giđđat 2024 dahkkon ássama jearahallamis bođii ovdan, ahte dárbu lea vuollel 100 njealjehasmehtera viesuide sihke smávva bearašviesuide ja erenoamáš sávaldahkan lei johkaoainnus. Vástideaddjiin ledje ollu dakkárat, geat hálidit iešeaiggátlanjadaga.

Gielda lea čatnasan figgat turismma ovddideami vehkiin lasihit vearroboađuid miljovna euro, jos dat ollašuvvá dárkkuha ahte giddoatvearro-, dienasvearro- ja searvvušvearroboađut lassánit mearkkašahti ollu. Go ovddideapmi álggahuvvo de guvlui bohtet ođđa bargosajit nu turisma suorgái go eará doaibmasurggiide. Daningo Ohcejogas lea buorre bargodilli, de oaivvilduvvo ahte gielddas leat ođđa olbmot, mii fas lasiha viessodili buorideami dárbbu.

Ohcejoga gielda oamasta girkosiidas giddodaga 890–401–82–0. Dan nuortta bealde lea giddodat 890–401–12–15 man oamasta Kiinteistö Oy Ringinvatro ja gos leat Ringinvatro ráidodálut ja maid Luondduriggodatguovddáža doaibmalanjat.

Gieddemiellis Ringinvatro ja priváhta eanaeaiggáda giddodagaid (890–401–82–1) huksehusaid gaskii báhcá eanaviidodat, hábme sullii 4700 m² oktilaš huksekehtes viidodaga. Dat lea Ohcejoga gilis áidna gieldda dahje gieldda oamastan fitnodaga eanaviidodat mii lea Deanu gáttis.

Dán áššáiguoskevaš oktilaš eanaviidodahkii sáhtášii hukset 4–5 smávvasiesu (viidodat 110 m² dahje unnit) biilasuođji/vuorkávisti, go vistit biddjojit doarrás johkagátte ektui.

Ráhkademiin dán namuhuvvon eanaviidodahkii ássanguovllu mas leat sullii vihtta smávva bearašviesu dahje eará viesut, masa válljet

Eallinfápmo- ja teknikkalaš lávdegoddi	§ 62	24.04.2025
Gielddaráđđehus	§ 83	05.05.2025
Gielddaráđđehus	§ 17	28.01.2026
Ovddidan- ja biraslávdegoddi	§ 32	23.04.2026
Gielddaráđđehus	§ 70	07.05.2026

hukseheadji. Ná livččii vejolaš láchčit posiitiivvalaš návcca gieldda viessohuksema ovddideapmái.

Áššemeannudeaddji Eallinfápmohoavda Lepistö Tanja

Mearrádusevttohus Eallinfápmo- ja teknikkalaš lávdegoddi evttoha gielddaráđđehussii, ahte dat namuha dás válldahallon eanaviidodaga sullii viđa viesu vistebuvttadeami ovddidanguovlun, čađaheapmi biddjo johtui.

Mearrádus Čoahkkimis dollojuvvui gaska dán ášši gieđahallama áigge dmu 15:20-15:27.
Pirjo Konttinen evttohii, ahte gv. eanaviidodat namuhuvvo vistebuvttadeami ovddidanguovlun mearreáigái, golbma (3) jagi. Anni Ahlakorpi, Kirsi-Marja Wargh, Mika Aikio, Eemeli Hekkanen ja Sammol Lukkari guottihedje Pirjo Konttisa evttohusa. Lávdegoddi dohkkehii ovttamielalaččat mearrádusevttohusa oktan Pirjo Konttisa evttohan lasáhusain.

Gr 05.05.2025 § 83

Áššemeannudeaddji Gielddahoavda Kontio Päivi

Mearrádusevttohus Gielddaráđđehus nammada ovddidan- ja biraslávdegoddi evttohan eanaviidodaga sullii viđa vistti vistebuvttadeami ovddidanguovlun, man doaibmabidju álggahuvvo. Nammadeapmi lea mearreáigásaš 3 jahkái.

Mearrádus Gielddaráđđehus mearridii sirdit ášši gieđahallama 17.2.2025 čoahkkimii.

Gr 28.01.2026 § 17

Ohcejoga gieldda lea sádden 21.12.2025 reivve "Láigolačča gullan eananláigohansoahpamuša opšuvdnaeavttu geavaheames". Ášši guoská 13.11.2013 ráhkaduvvon eananláigohansoahpamuša tonttes 890-401-82-0. Soahpamuš lea vuolláičállojuvvon ja ráhkaduvvon Ohcejoga gieldda ja Eräkontio gaska.
Mearreáigái 14.1.2026 rádjai gieldda ii ožžon vástádusa Eräkontios ahte dat háliidivččii geavahit eananláigohansoahpamuša opšuvnna.

Eallinfápmo- ja teknikkalaš lávdegoddi	§ 62	24.04.2025
Gielddaráđđehus	§ 83	05.05.2025
Gielddaráđđehus	§ 17	28.01.2026
Ovddidan- ja biraslávdegoddi	§ 32	23.04.2026
Gielddaráđđehus	§ 70	07.05.2026

Go gielda ii leat ožžon vástádusa gullanbivdagii ovddabealde máinnašuvvon mearreáiggi siste, gielda geahččá ahte dat lea deavdán eananláigohansoahpamuša gullangeatnegasvuoda. Dalle dulkot nu ahte láigolaš lea vástitkeahtá guođedettiin luohpan iežas gullanrievttis eananláigohansoahpamuša opšuvdnaeavttus.

Áššemeannudeaddji Gielddahoavda Kontio Päivi

Mearrádusevttohus Gielddaráđđehus nammada ovddidan- ja biraslávdegotti evttohan eanaviidodaga sullii viđa vistti vistebuvttadeami ovddidanguovlun, man doaibmabidju álggahuvvo. Nammadeapmi lea mearreáigásaš 3 jahkái.

Mearrádus Gielddaráđđehus mearridii ahte nammadeapmi lea mearreáigásaš 1 jahkái. Evttohus dohkkehuvvui muđuid.

Ovbillg 23.04.2026 § 32

Válmmaštalli Vd ovddidanhoavda Päivi Kontio

Gielddaráđđehusa lea 28.1.2026 § 17 mearridan nammadit ovtta jagi mearreáigái eanaviidodaga sullii viđa viesu vistebuvttadeami ovddidanguovlun, čađaheapmi biddjo johtui. Dát eanaviidodat báhcá Gieddemiellis Ringinvatro ja priváhta eanaeaiggáda giddodagaid (890–401–82–1) huksehusaid gaskii. Dát koartil AL 1, viessosadji 4 viidodat lea s. 2.500 m² ja huksenvuoigatvuohta viessosajis 500 k-m². Dán áššáiguoskevaš eanaviidodahkii sáhtášii hukset 4–5 smávaviesu (viidodat 110 m² dahje unnit) biillasuodji/vuorkávisti, go visttit biddjojit doarrás johkagátte ektui.

Gieldda ekonomalaš dili vuhtii válddedettiin, ii gielddas leat vejolašvuohta doarjut viessohuksema eará go nu ahte addit viessosaji gielddastivrra nannen hatti mielde várrehus- dahje láigosoahpamušain huksenfitnodahkii mearreáigái, man siste huksen galgá álggahuvvot. Dušše huksenlohpi ii leat doarvá. Ná gielda ii atte viessosaji ii geasage priváhtaolbmui, jos viessosadjái ii huksejuvvo. Go huksen lea gárvvis, de eatnama sáhtá vuovdit dahje láigohit guhkit áigái ássiide (dahje viessosearvá).

Ovdal go huksenberráigeahčču dahje huksenfitnodat várre viessosaji, de dat galgá, nu dárkilit go vejolaš, čielggadit projeavtta

Eallinfápmo- ja teknikkalaš lávdegoddi	§ 62	24.04.2025
Gielddaráđđehus	§ 83	05.05.2025
Gielddaráđđehus	§ 17	28.01.2026
Ovddidan- ja biraslávdegoddi	§ 32	23.04.2026
Gielddaráđđehus	§ 70	07.05.2026

válđoáššiid, namalassii makkár projeakta lea ja makkár eavttuiguin huksenlohpi addo.

Jos fidnu ii ovdán mearreáiggis máhccá viessosadji ruovttoluotta friddja ohcamii váldostivrra mearridan tonttehatti mielde.

Áššemeannudeaddji Ovddidanhoavda Kontio Päivi

Mearrádusevttohus Ovddidan- ja biraslávdegoddi fápmuda ovddidanhoavdda váldit oktavuoda vejolaš agoartaváldiide (grynderi), geat leat beroštuvvan dán viessosajis, ja álggahit ráđđádallamiid viessosaji láigoheamis ja vejolaččat čađahit ráđđádallamiid ránnjá viessosaji geavaheamis huksemii Kiinteistö Oy Ringinvatroun.

Dán lassin Ovddidan- ja biraslávdegoddi evttoha gielddaráđđehussii, ahte gielddaráđđehusa mearridan ovttá jagi áigemearri jotkkojuvvo miessemánu 2028 rádjai, vai ássamii guoski ovddidanprojeavttas livččii áiggi dáfus vejolašvuohta lihkestuvvat.

Mearrádus Mearrádusevttohus dohkkehuvvui.

Gr 07.05.2026 § 70
70/14.01.00/2025

Áššemeannudeaddji Gielddahoavda Kontio Päivi

Mearrádusevttohus Gielddaráđđehus mearrida, ahte ovttá jagi áigemearri jotkkojuvvo miessemánu 2028 rádjai, vai ássamii guoski ovddidanprojeavttas livččii dasa várrejuvvon áiggi dáfus vejolašvuohta lihkestuvvat.

Mearrádus Evttohus dohkkehuvvui.

Boddu dmu. 14.00-14.15. Bottu maŋŋá ságadoalli gávnnaš, ahte čoahkkimis leat mielde seamma olbmot go álgosaš nammačuorvumis.

Gielddaráđdehus

§ 71

07.05.2026

Doaibmaorgánaid mearrádusat

Gr 07.05.2026 § 71

Lávdegottiid beavdegirjiit galget doaimmahuvvot gielddahovdii ja gielddaráđdehusa ja lávdegottiid ságadoalliide njealji beaivvi geažes beavdegirjii dárkkisteamis. Gielddaráđdehusas lea váldinvuoigatvuohta lávdegottiid ja iežas virgehálddašeaddjiid mearrádusaide. Váldinmearrádusa sáhtta dahkat gielddaráđdehus dahje dan ságadoalli, gielddahoavda dahje stivrennjuolggadusas mearriduvvon virgehálddašeaddji. Váldinvuoigatvuođa galgá geavahit mañimustá njulgengáibádusáiggi siste. Go gielddaráđdehus váldá beali váldinvuoigatvuođa geavaheapmái, merkejuvvojit dasa doaimmahuvvon beavdegirjiit diehtun ja seammás mearriduvvo, ahte váldinvuoigatvuohta ii geavahuvvo beavdegirjiid sisdollui gullelaš áššiin. Beavdegirjiid kopijiat eai laktojuvvo gielddaráđdehusa beavdegirjái, muhto dat galget leat lahtuid geavahusas gielddaráđdehusa čoahkkimiin.

Čuovvovaš doaibmaorgánaid beavdegirjiit leat oaidnin láhkai čoahkkinnbáikkis: Čuvgehuslávdegoddi 15.4.2026 ja Ovddidan- ja biraslávdegoddi 23.4.2026.

Mearrádusevttohus

Gielddaráđdehus merke diehtun doaibmaorgánaid mearrádusaid ja gávnaha, ahte GieldaL 92 § váldinvuoigatvuohta ii leat geavahuvvon.

Mearrádus

Evttohus dohkkehuvvui.

Giieldaráđdehus

§ 72

07.05.2026

Áššit diehtun

Gr 07.05.2026 § 72

- Mearrádusevttohus Giieldaráđdehus merke diehtun čuovvovaš áššebáhpáriid:
- Kela - Kela rievdata iežas ovdorávvaga: Nuorat, geat leat maŋnefuolahusas iešbirgendoarjagat eai váikkut áigáiboahtodoarjagii
- Lappi buresveadjinguovlu - Lappi guovllustivra 30.3.2026 čoahkkindieđáhus
- Guovllustivra 13.4.2026 čoahkkindieđáhus
- Lappi lihttu Stivra 2.12.2024 beavdegirji
- Lohpe- ja bearráigeahččodoaimmahat - Bargiidsuodjalandárkkistus 24.3.2026
Ohcejohnjálmmi skuvlla
- Bargiidsuodjalandárkkistus 24.3.2026 Ohcejoga beaiveruoktu 24.3.2026
- Bargiidsuodjalandárkkistus Gáregasnjárgga skuvla 25.3.2026
- Bargiidsuodjalandárkkistus Gáregasnjárgga beaiveruoktu 25.3.2026
- Bargiidsuodjalandárkkistus Njuorggáma skuvla 24.3.2026
- Vuoigatvuođaministeriija- Sámediggelága 9 § mielde ovttasdoaimman- ja ráđđádallangeatnegasvuohta
- Soađegili gielda - Davvi- ja Nuorta-Lappi barggolašvuođajuogus
- Ohcejoga gielda Siidodoaimmaalmuhus 13.4.2026, Marja Länsman
- Mearrádus Merkejuvvui diehtun.

Gielddaráđđehus

§ 73

07.05.2026

Headuštanalmmuhusat

Gr 07.05.2026 § 73
46/01.04.02.02/2026

Gielda lea ožžon gielddaráđđehussii čujuhuvvon gieldda virgehálddašeaddji dahkan headuštanalmmuhusaid, mat guske buresveadjin hoavdda ja gielddahoavdda.

Gielddaráđđehusas lea mearridanváldi gieđahallat ášši ja árvvoštallat leago dáhpáhuvvan eahpeáššálaš meannudeapmi dahje headušteapmi ja mearridit vejolaš joatkkadoaimbajuid.

Áššemeannudeaddji Gielddaráđđehusa ságadoalli

Gielddaráđđehusa ságadoalli mearrádusevttohus

Gielddaráđđehus mearrida vuodđudit čielggadanbargojoavkku válmmaštallat ášši. Čielggadanbargojoavkku bargun lea gieđahallat headuštanalmmuhusaid, gullat áššáiosolaččaid ja ráhkadit gielddaráđđehussii čálalaš čilgehusa ja evttohusa ášši čoavdima várás.

Čielggadanbargojoavku galgá doaimmat bealeheamet ja čuovvut buori hálddahusa prinsihpaid. Gielddaráđđehus nammada čielggadanbargojoavkku lahtuid gielddaráđđehusa lahtuin dahje várrelahtuin váldimin vuhtii easttalašvuodaid. Easttalašvuodaid árvvoštallan lea guovddáš ášši bealátkeahkes gieđahallama sihkkarastima dihte.

Čielggadanbargojoavku bargun lea ráhkadit gielddaráđđehussii čálalaš čilgehusa ja evttohusa ášši čoavdima várás.

Čielggadanbargojoavku bargu galgá gárvánit 8.6.2026 rádjai. Áššemeannudeaddji válmmaštallá gielddaráđđehussii mearrádusevttohusa čielggadanbargojoavkku ráhkadan čielggadeami ja evttohusa vuodul.

Mearrádus

Gielddahoavda Päivi Kontio guđii čoahkkima ášši gieđahallama áigái.

Gielddaráđđehus mearridii vuodđudit čielggadanbargojoavkku válmmaštallat ášši. Gielddaráđđehusa nammadii bargojoavkku lahtun Urho Guttorm, Vesa Länsman, Pirjo Konttinen ja Lávra Länsman. Gávnnahuvvui, ahte čielggadanbargojoavku sáhtá dárbbu mielde geavahit veahkin olggobeale áššedovdiid omd. Lohpe- ja bearráigeahččodoaimmahat (LVV).

Gielddaráđđehus gávnnahii, ahte hálddahušnjuolggadusa mielde áššemeannudeaddjin doibme ovddidanhoavda Veli-Matti Ruotsalainen.

Gielddaráđđehus

§ 74

07.05.2026

Mearreviidodaga vuovdin, Antti Peltoniemi

Gr 07.05.2026 § 74

165/10.00.00/2025

Antti Peltoniemi lea ovdanbuktán iežas beroštumi oastit áiggi mielde gaskan báhcán mearreviidodaga, tontte 890-401-12-19. Tonte lea Ohcejoga girkosiidda sajádatlávaguovllu goartilis 2 RM, tonte nr 1. Tontte viidodat lea s. 7 258 m², ja huksenvuoigatvuohta dán tonttes lea 1 500 k-m².

Váldostivrra 30.9.2024 mearridan dávssaid mielde namuhuvvon tontte vuovdinhaddi 1500 k-M² x 40 €/k-m² = 60.000 €. Huksema mearreáigi 2 jagi.

Áššemeannudeaddji

Gielddahoavda Kontio Päivi

Mearrádusevttohus

Gielddaráđđehus mearrida vuovdit tontte 890-401-12-19 Antti Peltoniemii 60.000 euro gávpehattiin, ohcamuša mielde.

Mearrádus

Gielddaráđđehus mearridii ovttamielalaččat máhcahit ášši válmmaštallamii lassečielggadusaid skáhppoma várás.

Gielddaráđđehus	§ 15	28.01.2026
Gielddaráđđehus	§ 75	07.05.2026

Gáregasnjárgga boares dearvvasvuodadálu vuovdin

Gr 28.01.2026 § 15

Lappi buresveadjinguovlu lea láigohan Gáregasnjárgga boares dearvvasvuodadálu 31.12.2025 rádjai, ja dán maŋŋá dat lea sirdásan ruovttoluotta gieldda fuolahussii. Dearvvasvuodadállu lea huksejuvvon jagis 1979 ja dasa lea biddjon eanaliekkas jagis 2015. Dállui lea dahkkon jagis 2018 teknihkalaš árvoštallan das makkár ortnegis dállu lea. Dállu lea dál guorus ja doppe lea alde vuodđoliekkas. Ohcejoga gielddas ii leat atnu dállui.

Áššemeannudeaddji Gielddahoavda Kontio Päivi

Mearrádusevttohus Gielddaráđđehus mearrida, ahte Gáregasnjárgga boares dearvvasvuodadállu vuvdojuvvo almmolaš čuorvvasgávppis. Gielddainšenevra meroštallá vuodđohatti, mii vuodđuduvvá materiálie, mii gávdno. Vuovdináigi galgá leat almmolaš čuorvvasgávppis guokte mánotbaji. Vuovdináigi 16.2.-19.4.2026

Mearrádus Evttohus dohkkehuvvui.

Gr 07.05.2026 § 75
2/02.07.00/2026

Gielddaráđđehusa 28.01.2026 § 15 mearrádusa mielde guorusin báhcán Gáregasnjárgga boares dearvvasvuodadállu, man čujuhus lea Ylätenontie 121, lea leamaš vuovdimassii almmolaš čuorvvasgávppis 23.02.-4.5.2026.

Jagis 1979 huksejuvvon visti lea vuovdimassii Meahcceráđđehusa s. 0,5 hektára láigoviessosajis, giddodat 890-893-11-1. Viessosaji lávamerken AL dahje ássanviesso-, ealáhus- ja doaimmahatvistiid guovlu. Gávpái gullet dálá šleađga-, čáhce- ja duolvačáhcelavttat. Vistti rehketoalloárvu laktagiiguin 31.12.2025 lea leamaš 25 230,25 €.

Áššemeannudeaddji Gielddahoavda Kontio Päivi

Mearrádusevttohus Gielddaráđđehus mearrida dohkkehít alimus vearuhis fálaldaga 9 700 € ja fápmuda gielddahoavdda ráhkadit ja vuolláičállit gávpegirji.

Mearrádus Evttohus dohkkehuvvui.

Nuppástusohcanráva guoská paragrafáid: § 59, § 60, § 61, § 62, § 63, § 68, § 69, § 71, § 72, § 73, § 74

NUPPÁSTUSOHCANGIELDU

Dán mearrádušas ii oaččo dahkat vuigengáibádusa iige gielddaválgga, daningo mearráduš

- gielddalága 136 § mielde dušše válmmaštallama dahje ollašuhttima
- bargo- dahje virgeeaktosoahpamuša dulkoma, heiveheami
- bargojodihan- ja bearráigeahččanvuoigatvuođa geavaheami

Nuppástusohcanráva guoská paragrafaid: § 64, § 65, § 66, § 67, § 70, § 75

VUIGENGÁIBÁDUSRÁVVAGAT

Dán mearrádussii duhtameahttun olmmoš sáhtta dahkat čálalaš vuigengáibádusa. Mearrádussii ii oáččo ohcat nuppástusa duopmostullui váidimiin.

Vuigengáibádusvuoigatvuohta

Vuigengáibádusa oážžu dahkat:

- dat, geasa mearrádus lea čujuhuvvon dahje gean vuoigatvuhtii, geatnegasvuhtii dahje ovdui mearrádus njuolga váikkuha (áššáiosolaš), ja lassin
- gieldda lahttu.

Vuigengáibádusáigi

Vuigengáibádusa galgá dahkat 14 beaivve geažes das, go lea ožžon mearrádusa diehtun.

Vuigengáibádusa galgá doaimmahit Ohcejoga gieldda girjenkantuvrii mearreáiggi mañimuš beaivve ovdal girjenkantuvrra giddaneami.

Gehččojuvvo, ahte áššáiosolaš lea ožžon mearrádusas dieđu, jos ii eará čájehuvvo, čieža (7) beaivve geažes das, go mearrádusa guoskevaš beavdegirjeválddus lea sáddejuvvon Go geavahuvvo dábálaš elektrovnnalaš diehtunaddin, de gehččojuvvo, ahte áššáiosolaš lea ožžon mearrádusas dieđu, jos ii eará čájehuvvo, goalmát beaivve dieđu sáddemis.

Gehččojuvvo, ahte gieldda lahttu lea ožžon mearrádusas dieđu čieža beaivve geažes das, go beavdegirji lea leamaš oaidninláhkai almmolaš diehtofierpmis.

Diehtunoažžunbeaivi ii rehkenastojuvvo vuigengáibádusáigái. Jos vuigengáibádusáiggi mañimuš beaivi lea bassebeaivi, iehčanasvuođabeaivi, válbormeaivi, juovla- dahje mihcamáruohtta dahje árgalávvardat, de vuigengáibádusa oážžu dahkat vuosttas árgabeaivve dan mañjá.

Vuigengáibáduseiseváldi

Eiseváldi, geasa vuigengáibádus dahkkojuvvo, lea Ohcejoga Ohcejoga gielddaráđdehus

Girjenkantuvrra oktavuohtheadieđut:

Boastačujuhus: PL 41, 99981 OHCEJOHKA
Uksačujuhus: Luossa 1 a 99980 Ohcejohka
E-boasta: kunnanvirasto@utsjoki.fi
Telefonnummir: +358 40 188 6111

Registrerenkantuvra lea rabas vuossárggas bearjadahkii dmu 9.00 - 15.00.

Vuigengáibádusa hápmi ja sisdoallu

Vuigengáibádusa galgá dahkat čálalaččat. Maiddái elektrovnnalaš áššegirji deavdá čálalaš hámi gáibádusa.

Vuigengáibádusas galgá almmuhit:

- mearrádusa, masa ohcá vuigema
- mainna lágiin mearrádusa galgá vuiget
- maiguin ákkaiguin gáibida vuigema.

Vuigengáibádusas galgá lassin almmuhit dahkki nama, ruovttugieldda, boastačujuhusa ja telefonnummira.

Jos vuigengáibádusmearrádusa sáhhtá addit diehtun elektrovnnalaš diehtun, de bivdit almmuhit oktavuhtadiehtun maiddái e-boastačujuhusa.

Beavdegirji

Mearrádusa guoskevaš beavdegirjji váldosiid ja čuvvosiid sáhhtá bivdit Ohcejoga gieldda girjenkantuvrras.

Beavdegirji lea 13.5.2026 dolvojuvvon oaidninláhkai almmolaš diehtofierbmái čujuhussii www.utsjoki.fi.